



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 22 DE SU 08/02/2023

OGETU: CÀNONI ÒNICU PATRIMONIALI - CUNFIRMA TARIFAS ANNU 2023

S' annu 2023, su 08 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

<i><b>Nòmini e Sangunau</b></i>	<i><b>Càrriga</b></i>	<i><b>Presenti</b></i>
Beniamino Garau	Sìndigu	Eja
Dessi Donatella	Assessori	Eja
Frongia Pietro	Assessori	Eja
Montis Giovanni	Assessori	No
Sorgia Silvia	Assessori	Eja
Solinas Marco	Assessori	Eja
Garone Katuscia	Assessori	Eja

**Presentis: 6**

**Ausentis: 1**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

---

## SA GIUNTA COMUNALI

**Liau a cunsideru** s' articulu 1, comas 816-847, de sa Lei n. 160/2019 chi previdit s' istitutzioni, cumentzendi de su 2021, de su Cànoni Ùnicu Patrimoniali de cuntzessioni, autorizatzioni o espositzioni pubblizitària e de su cànoni de cuntzessioni po s' ocupatzioni de is àreas e de is logus chi appartenint a su demàniu o a su patrimoniu indisponibili, destinaus a mercaus finas cun struturas atretzadas;

**Cunsiderau** chi in su 2021 cun s' intrada in vigèntzia de su cànoni nou, ant mudau is intradas afatantis:

- imposta po s' ocupatzioni de àreas pùblicas, imposta comunali apitzus de sa pubblizidadi e deretu asuba de is afisciaduras pùblicas, cànoni po s' installatzioni de strumentus pubblizitàrius e cànoni cunforma a s'articulu 27, c. 7 e 8, de su Còdixi de sa Strada, segundu su Decretu Legislativu 30 de abrili 1992, n. 285, sceti po is stradas de pertinèntzia de is Comunas e de is Provìntzias;
- sceti in s' in casu de ocupatzioni temporànea de is àreas destinadas a mercaus is normas asuba de s' àliga, cunforma a is c. 639, 667 e 668 de s' art, 1 de sa Lei n. 147/2013;

### **Cunsideradas:**

- sa deliberatzioni de su Consillu Comunali n. 21 de su 23/03/2021 de "Istitutzioni de su Cànoni Ùnicu Patrimoniali e Cànoni Mercatali";
- sa deliberatzioni de Giunta Comunali n. 43 de su 24/03/2021 de "Aprovatzioni tarifas po su cànoni patrimoniali de cuntzessioni, autorizatzioni o espositzioni pubblizitària";
- sa deliberatzioni de Giunta Comunali n. 46 de su 31/03/2022 de "Cunfirma tarifas annu 2022";

**Cunsiderau** chi, cunforma a s' art. 1, c. 817, de sa Lei 160/2019, su Cànoni est disciplinau de is entis a manera de assegurai retzetas fiscalis agualis a cussas cunsighidas de is cànonis e de is tributus chi nc' at arremprasau custu cànoni etotu, francu, de ònnia manera, sa possibilidadi de mudai is intradas po mèdiu de is tarifas;

**Cunsiderau** s' art. 42, c. 2, lìtera f) D.Lgs. 18 de austu 2000, chi donat a su Consillu Comunali s' istitutzioni e s' ordinamentu de is tributus, francu sa determinatzioni de is alicuotas, aici puru sa disciplina generali de is tarifas po su gosamentu de is benis e de is servìtzius;

**Cunsiderau**, duncas, chi no ddoi at una normativa spetzifica contras, sa cumpetèntzia a s' aprovatzioni de is tarifas de su Cànoni nou est atribuida a sa Giunta Comunali;

**Torrada sceda** de cunfirmar finas po s' annu 2023 is tarifas de su Cànoni patrimoniali de cuntzessioni, autorizatzioni o espositzioni pubblizitària aprovadas cun deliberatzioni de Giunta Comunali n. 43 de su 24/03/2021 e cunfirmadas cun deliberatzioni de Giunta Comunali n. 46 de su 31/03/2022;

**Bida** sa tzirculari 2/DF Ministeru de s' economia e de is Finàntzias de su 22 de onniasantu 2019, chi at stabiliu ca s' aplicatzioni de s'art. 13, c. 15-ter de su decretu-lei 6 de idas 2011, n. 201, mudau de sa lei 22 de idas 2011, n. 214, pertocat is intradas tributàrias e no cussas no tributàrias;

**Cunsiderau** chi su Cànoni Ùnicu Patrimoniali no tenit piessinnu tributàriu, duncas is comunus no depint intregai a su MEF is atus regulamentàrius e tarifàrius chi pertocant su Cànoni;

---

**Bius:**

- s'art. 53, c. 16, de sa lei 23 de idas 2000, n. 388, mudau de s'art. 27, c. 8, de sa lei 28 de idas 2001, n. 448, chi at stabiliu ca su tèrmini po deliberai is alicuotas e is tarifas de is tributus localis, finas s' alicuota de s' additzionali comunali a s' IRPEF de su cali a s' art. 1 de su D.lgs. 28 de cabudanni 1998, n. 360 e is tarifas de is servitzius localis est su pròpiu de sa data apostivigada de normas statalis po sa deliberatzioni de su bilàntziu de previsionì;   
- s' artìculu 1, c. 169, de sa lei 27 de idas 2006, n. 296 (lei finantziària 2007) chi narat: *“Is entis localis deliberant is tarifas e is alicuotas pertocantis is tributus de cumpetèntzia insoru in cabu de sa data apostivigada de normas statalis po sa deliberatzioni de su bilàntziu de previsionì. Custas deliberatzionis, finas si aprovas a manera imbenienti a su cumentzu de s' esercìtziu ma sèmpiri àinturu de su tèrmini indicau, tenint efetu de su 1 de gennàrgiu de s' annu de riferimentu. In s'in casu de farta de aprovatzioni in cabu de custu tèrmini funt de cunsiderai prorogadas de annu in annu”;*

**Bida:**

- sa Lei 29 de idas 2022, n. 197, cun su *“Bilàntziu de previsionì de su Stadu po s' annu finantziàriu 2023 e bilàntziu 2023-2025”*, publicada in sa Gazeta Ufitziali, Serie generali n. 303, Suplementu ordinàriu n. 43 de su 29 de idas 2022, previdit, in s' art. 1, c. 775, chi, *“A manera desemprada e sceti po s'annu 2023, cunsiderendi sa crisi ucraina, is Entis Localis podint aprovai su bilàntziu de previsionì cun s' aplicatzioni de sa cuota libera de su resuzu, averiguau cun s'aprovatzioni de su rendicontu 2022. Po cussu su tèrmini de previsionì po su 2023 est trantziu a su 30 de abrili 2023”*. Sa pròroga de su tèrmini a su 30 de abrili 2023 mudat su chi at determinau cun D.M. 13 de su mesi de idas 2022, publicau in sa Gazeta Ufitziali n. 295 de su 19 de idas 2022, chi iat stabiliu comenti a tèrmini sa dii 31 de martzu;

**Arriciu** parri a favori de regularidadi tècnica cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori Sa Dotora M. Brughitta;

**Arriciu** parri a favori de regularidadi contàbili cunforma a s' art. 49, c. 1, de su D.Lgs. n. 267/2000, de parti de sa Responsàbili de su Setori Finantziàriu Sa Dotora F. Cambiganu;

**Biu** su D.Lgs 23 de làmpadas 2011, n. 118;

**Biu** su Statutu Comunali;

**Biu** su Regulamentu de Funtzionamentu de su Consillu Comunali;

Cun votatzioni a totòmini cunforma a sa lei,

**DELÌBERAT**

**De cunfirmari** po s' annu 2023 is tarifas de su Cànoni patrimoniali de cuntzessionì, autorizatzioni o espositzioni pubblitziària aprovas cun deliberatzioni de Giunta Comunali n. 43 de su 24/03/2021 e cunfirmadas cun deliberatzioni de Giunta Comunali n. 46 de su 31/03/2022, cunforma a su documentu in acàpiu a custa deliberatzioni etotu;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.lgs. n. 267/2000.

---